

# ნიკნონი

7  
ეროვნული  
ბიბლიოთეკა

გამოსვლის 56-ე წელი, (N- 1569) • აპრილი, 1980, ფასი 20 კპპ.

ნ. ბ. ფირცხალავანი



- თუ საიდუმლო არ არის, გვითხარით, რა პრობლემაზე ვუზარობთ აქვამად?  
 - როგორი ერთი ჩამოგითვალთ: მეზობლის სამოთხიანი ბინის შეპოვებაცა, ევროპი ახალი გარეუბის აშენებაც, შვილიშვილის კოოპერატიულ შენეალოგაში შეყვანაც, შავი ჯღვის პირაც კიდეც ერთი კატარა ავარაკის საკითხის მოგვარებაც!..



# იწმინდება წყაროსთვალი!



გაიღმერთა გამდიდრება,  
უზრუნველი ცხოვრება!..  
მაინც ვხედავ ხშირად ჩვენთან,  
ექებს სულის ცხოვნებას!

გული მჭლე აქვს,  
ხმა — მსუქანი —  
მონაწერი ბაგეთა,  
გრძელ სუფრებზე გაჭიმულა  
კოჯორთან თუ ბაგებთან!..

აი, ის კი მაიმახი,  
ხორცშესხმული მაცილი,  
დანანალებს ავი მახით,  
ქუდით უჩინმაჩინის!

არიგებენ,  
არ ირწმუნა  
შუეი გზათა ახალთა,  
სინდისისგან გარეცხილი,  
მოძმეს ექცა სახადად!

ჩვენი დროის ხორცმეტებო,  
გეუბნებით გასაგებად:  
ყველა კლიტე უნდა გახსნას  
უნმინდესმა გასაღებმა!

ყველა კუთხეს უნდა მიწვდეს  
სხივი სალოცავი ნიშის,  
რომ დაინვას,  
რომ დამინდეს

თქვენი საქმე,  
თქვენი ჯიში!

აგორებულ ახალ ტალღას —  
ველზე ვეფხურ ნაბიჯებად —  
საქართველო მიჰყავს ალმა,  
არ სჩვევია დადინჯება!

ინმინდება წყაროსთვალი,  
იქორება ვაზიც, ყანაც,  
რეკავს ზარი,  
წინსვლის ზარი  
მთად და ბარად,  
მთად და ბარად!

გიორგი გიგაური

ნახ. ზ. დეისაძისა



— შვილო, გატყობა, მარხვას არ უნდა იცავდე!  
— შენ ნუ დარღობ, დედიჯან! იმდენი მაქვს დამარხული, მთელ ჩემს შთამომავლობას ეყოფა!

## თუ იკადრება!..

„— მერე მე ძროხა ვის ჩავაბარო?  
სადღა ვიშოვნი კარგ მეძროხესა?“

ილია ჭავჭავაძე

დაამთავრა თუ არა საფიქრო ინსტიტუტი  
ჯანო ყველაიძემ, ახალგაზრდა, მზარდი

კადრიო და — მაშინვე დანიშნეს პურკომ-  
ბინატის დირექტორად.

კომბინატი დაქვევებზე რომ მიიყვანა, გა-  
მოცდილება აკლიაო და — ასანთის ფაბრი-  
კის დირექტორად გადაიყვანეს.

ასანთის ფაბრიკამ უწუმწუმო ჩხირების  
გამომშენებელი რომ დაინყო, კოლექტივს ვერ  
შეეწყობო და ყველკარაქსორცკომბინატის გა-  
ერთიანების დირექტორად გადაიყვანეს.

გაერთიანება გაუქმებამდე რომ მიიყვანა,  
ეს აქ არ გამოდგებო და — წყალარხრეწვის  
ტრესტის მმართველად დანიშნეს.

არხში წყლის დაშრობას რომ მიაღწია, რა  
მოგივიდა, შე კაცოო, დატუქსეს და საკონ-  
სერვო ქარხნის დირექტორად გაგზავნეს.

ერთ წელიწადში საკონსერვო ქარხანა უკ-  
ონსერვო ქარხანად გადააკეთა.

არც აქ ივარგაო და — ახლა ფიქრობენ,  
რის დირექტორად გადაიყვანონ.

ჩემი მეგობარი ჯუმბერ კაცაძე კი ოცი  
წელია, რაც ხელფასზე მცხოვრებთა გენერა-  
ლურ გაერთიანებაში თოვლის საწყობის მმარ-  
თველად მუშაობს. გეგმებს დიდი გადა-  
ჭარბებით ასრულებს, ყოველ წელიწადს ქე-  
ბის სიგელით აჯილდოებენ, მაგრამ არსად  
არ გადაჰყავთ.

ამ ადგილზე შენზე კარგ სპეციალისტს ვერ  
ვიშოვითო, ეუბნებიან!

ახია მასზე!

არა ჩაზნია





ჩუმი დაჩი

ჩვეულ ჩარჩულ ჩამჩუმით აი შენა დაჩიმ „დაჩა“! დაჩი მოხსნეს, მაგრამ დაჩი ჩვეულებრივ დაჩა ჩარჩად. ცხოვრების გზა ჩამჩუმით კვლავ მოირთო, მოიფარჩა და ჩარჩ დაჩის, ჩუმჩუმელას, ჩუმად „დაჩაც“ ისევ დაჩა!

აააი ბენაძე

თბილისის საჯარო ბიბლიოთეკაში იყო სკივრისა და შთაბეჭდილებების წიგნი...

- იყო და ახლა არ არის, აღარ ჩანს, ერთი წელია!..
- შენიშვნა, ანდა აუგი ხომ არვის ჩაუწერია?
- თვით შე ჩაწერე, რა მექნა, სიმართლეს დროზე თქმა უნდა!
- პირში წყლის ჩაგუბებითა სიმართლე ბევრჯერ გამრუდდა!
- ჰოდა, მიტომაც დამალეს, წიგნი აღარ ჩანს საჩინოდ!..
- ანი სულ ქებას ჩაუწერე, ოღონდაც გამოაჩინონ!

ნოდარ შამანაძე



— მთელი დღე რაქა, რაქა და, გოლოს, გავიდა ხაზზე!

საქართველო სოციალისტური რესპუბლიკა

ბატონ პლატონს (დაბ. დაბ. — ფილოსოფოსს!) უბრძანებია, ადამიანი ხშირად ვერ ერკვევა, რაა სიკეთე და ბოროტება, თორემ, რა ღმერთი გაუწერებოდა, ამდენ უსინდისობას როგორ იკადრებდო! ამიტომ საჭიროდ მიგვაჩნია, გავისხენოთ, რა არის სინდისი: ეს გახლავთ კაცობის უმაღლესი საზომი, ურთიერთზრუნვა და პუსუხისმგებლობა საზოგადოების წინაშე! ჰოდა, თუ ამ საზომით მივუდგებით, ერთობ შემამფოთებელ ფაქტს მოგახსენებთ, რომლის გვერდის ავლა, არც ფეხით და არც ავტომანქანით, არამც და არამც არ შეიძლება, რადგან ამ ფაქტს, პირიქით, თუ მთელი ძალით არ დავეჯახეთ, ავარია მაშინ იკითხეთ!

არც სიჩქარისა და არც მოსალოდნელი კატასტროფის თვალსაზრისით არ ვაჭარბებ! ასეც რომ იყოს და გულითაც რომ მინდოდეს, ვერ დავამუხრუჭებ, რადგან სწორედ მუხრუჭების იმედი არა მაქვს, სწორედ უხარისხო სამუხრუჭე სითხეზე მინდა გელაპარაკოთ, რომელიც გამოშვებულია ფირმა „საქყოფიების“ საწარმოო გაერთიანების ლილოს სათაო ქარხნის იარღიყით. წელიწადში 160 ტ ასეთ სითხეს უშვებს ეს საწარმო, 500%-ით ასრულებს წლიურ გეგმას და ასპროცენტთან საფრთხეში ადებებს მომხმარებელს (ამასაც თუ მოხმარება შექვია).

რა მოხდა მერე, უხარისხო პროდუქცია ვის არ გამოუშვიაო, — იქნებ ვინმეს სურს, შემომედავოს?! როგორ თუ რა მოხდა?! ვისაც გული ერჩის და თავსა და ნამუსზე ხელი აქვს აღებული, მიბრძანდეს მალაზიაში, იყიდოს ეს სითხე, ჩაასხას მანქანაში და, კეთილი მგზავრობა მისურვებია!

წამლის მაგივრად — სანამლავი! როგორია? არის პროდუქცია, რომლის ხარისხი სიკვდილ-სიცოცხლის ხარისხში ადის!

ჩემს წინაა, უფრო სწორად, ჩვენი მანქანების სამუხრუჭე სისტემაში ასხია ავტოსამუხრუჭე სითხე „ბსკ“... „ტუ-6-10-1533-75“... (ერთი სიტყვით, აქ 104 კი არა, უამრავი სხვა ტუ-ტუა!)

„სამუხრუჭე სითხე გათვალისწინებულია მუხრუჭების ჰიდრავლიკური სისტემისათვის, ნორმალური კლიმატის პირობებში“. — ვკითხოვლობთ ეტიკეტზე (მოკლედ, თუ დარი დაგიდგა და ილბლიანი კაცი ხარ, იმ დღეს, ფეხი მოგტყდეს და სულ არ გამოხვიდე გარეთ, ან 40 გრადუსი სიცხე მოგცეს, ან საბურავი დაგეშვას... ან, მოკლედ იმას, რაც გელის, ყველაფერი სჯობს!).

„დაუშვებელია სხვა მარკის სამუხრუჭე სითხეებთან შერევა“. — გვაფრთხილებენ ჩვენი კეთილისმყოფელები, რაც იმას უნდა ნიშნავდეს, რომ ეს რაღაც განსაკუთრებული და გასაგვიებული ნაწარმია! „გაფრთხილების წესები — ცეცხლსაშიშია! ტოქსიკურია! გაუფრთხილდით, თვალში არ მოგხედეთ!“... რას ერჩი, ალაღად გვაფრთხილებენ!

ყველაფერ ამასთან ერთად რომ გავეფრთხილებინეთ, უხარისხო და სასიკვდილოაო, კიდევ უფრო დაგუმადლებდით. ისე კი, რაც მართალია-მართალია, ნამდვილად საშიშია, ტოქსიკურიცაა, შხამი და სამსალაა — წამ-

(დასასრული იხ. მე-4 გვ.)







# დახასიათება

— ერთი გამოცდილი, საქმიანი მუშაკი მჭირდება! რეკომენდაციას ხომ ვერ გაუწევდით ვინმეს თქვენი საწარმოდან?

— დიდი სიამოვნებით! აი, თუნდაც ჩემს მოადგილეს! საუკეთესო მუშაკია, ბრწყინვალე ორგანიზატორი, გამბედავიც არის და საქმიანიც, ასეთზე შეიძლება მხოლოდ იცინებო!

— როგორც ადამიანი?

— უაღრესად პატიოსანი და გულწრფელია, თანამშრომლების მიმართ უდიდეს ყურადღებას იჩენს, ყოველთვის მზად არის, დაეხმაროს მათ, ტაქტიკური და გულისხმიერია, მთელი კოლექტივის სული და გულია!

— ოჯახში როგორია?

— სამაგალითო! ცოლსა და შვილებს აღმერთებს, იმათაც მზე და მთვარე მასზე ამოსდით!

— საზოგადოებრივი საქმიანობა თუ აინტერესებს?

— პირდაპირ ამისთვის არის დაბადებული!

— გასაგებია. სხვა ვინმეს ხომ ვერ მირჩევდით?

— როგორ არა, მაგრამ ასეთი ვერ იქნება.

— თავის სპეციალობაში თუ ერკვევა?

— გაჭირვებით!.. სხვების დახმარებით რაღაცას ახერხებს, მაგრამ ზარმაცია და გემის შესრულებაში ყოველთვის ხელს გვიშლის! სერიოზულ საქმეს მაგას ვერ მიანდობ!

— როგორი ადამიანია?

— უხასიათო და ავია! უფროსებთან მლიქვნელობს! ხელქვეითებთან უხეშია! ინტრიგანობა უყვარს... და, საერთოდ, მას ჩვენთან ვერ იტანენ!

— ოჯახში როგორია?

— აუტანელი! მის პირად ცხოვრებაში ეშმაკიც ვერ გაერკვევა! ბულალტური ყოველთვის ვალიდოლს სვამს, როცა მისი ყოფილი ცოლების რაოდენობის დადგენა და ხელფასიდან ალიმენტების გამოანგარიშება უხდება!

— საზოგადოებრივი საქმიანობა თუ აინტერესებს?

— ნაკლებად! მახსოვს, ერთხელ კედლის გაზეთის რედკოლეგიაში უნდოდით მისი არჩევა და განაცხადა, ნერა-კითხვა არ ვიცის!

— საქმარისია! შეგიძლიათ, აღარ განაგრძოთ! ეს სწორედ ის კაცია, მე რომ ვეძებ! თუ სანინააღმდეგო არაფერი გაქვთ, ახლავე გამომიგზავნეთ!

— რას ამბობთ?! შეუძლებელია! რაში გამოგადგებათ?!

— თქვენ მაგაზე თავს ნუ შეინუხებთ, ეს უკვე ჩემი საქმეა! ახლა ასე ადვილად ვეღარავინ მომატყუებს! როცა უვარგისი მუშაკის თავიდან მოცილება უნდათ, აქებენ და ადიდებენ! ღირსეულს, საუკეთესოს კი ასე ლანძღავენ და აძაგებენ! თქვენი დახასიათება ჩემთვის სავსებით გასაგებია! ახლავე გამომიგზავნეთ ის „არამზადა“!

უნგრულიდან თარგმნა ლილი მანისურაძემ



ნ. ნ. მაღალაძის ნახატი

## ს უ ლ ი ბ ნ ო ბ ა

საქმავშილო სენია, ზოგჯერ ხანდაზმულსაც ემართებათ. ავადმყოფს იპყრობს მოუსვენრობა და ცდილობს, სხვისი სიმშვიდის დარღვევით ჰპოვოს სულიერი შვება.

ავადმყოფი ხასიათდება სიფიცხით, თავშეუკავებლობით, თავგასულობით, ზოგჯერ თავზეხელადებულობითაც კი, რაც მეტად აგრესიულ საქციელში გადაიზრდება ხოლმე.

ზემოაღნიშნული სენით ავადდებიან მეტწილად ზეფიზიკური ჯანმრთელობისა და ათლექტური მონაცემების მქონე ახალგაზრდები. მის წარმოშობას კი ხელს უწყობს ის ჭარბი ენერგია, რომლის გამოყენება მათ ვერ შეძლეს უსაქმრობისა და უმეცრობის გამო, ამიტომაც მიმართავენ თვითგანმუხტვას, ამ შემთხვევაში კატალიზატორის როლს ასრულებს.

დაავადება თავს იჩენს, როცა სულიგანი მსხვერპლს შენიშნავს. ამ დროს მას იპყრობს საკუთარი ძალისა და მოქნილობის დემონსტრირების დაუოკებელი სურვილი, რაც გარეგნულად მეტად პათოლოგიურ ფორმებში ვლინდება: ავადმყოფს სახე ემანჭება, თვალები უფართოვდება, ხელისგული ექავება, სახის კუნთები უთამაშებს, ძარღვები ებერება და იწყებს მოწინააღმდეგის ფიზიონომიის დეფორმაციას. ეს კი ხდება თანდასწრებით მრავალრიცხოვანი მაყურებლისა, რომლებიც ანტერესით შეტყურებენ ამ „იმპროვიზებულ“ პაექრობას, ხოლო სახიფათო მომენტში, დამოწმების შიშით, სპირიტუალური სისწრაფით ტოვებენ ექაურობას. ვალახული ბოღმასა და საკუთარ კბილებს ყლაპავს, გამარჯვებული კი მუშამედ აღის იერიტოვებს სასაპარეზოს. როგორც ხელიგანზე, ასევე მაყურებელზე უარყოფითად მოქმედებს მილიციელთა გამოჩენა, რის გამოც ორთაბრძოლა ვადაზე ადრე წყდება და სულიგან-მოაქერვერ ახერხებს ჭავრის ამოყრას, ეს კი უარყოფითად მოქმედებს მის ჯანმრთელობაზე.

სამკურნალო-პროფილაქტიკური საშუალებებია: ახალგაზრდის დროული ჩაბმა შრომით საქმიანობაში, ან სპორტის რომელიმე სახეობაში, აღმზრდელობითი მეთოდების გამოყენება. კერძოდ მისი დარწმუნება, რომ ნამდვილი ვაჟკაცობა თავშეუკავებლობა კი არ არის, არამედ — თავშეკავება.

ალმანოვო თაგაძე



ლოლუსანი  
ნ. ა. ჯ.

— უფროსო! დღეს აბანოში წყალი არ მოდიოდა, მაგრამ გვგვა მიინც შევასრულეთ!



უხეზი ურნალისტი ჩანაწერები



ყველის კარდიოგრაფია

ყველა იმედი, ალბათ, ფუჭია, — თუ არ მივიდა სიტყვა გულამდე. დროს პოეტების მაჯა უჭირავს, მათი ლექსების გულს აყურადებს. ყველას თავისი უნდა მიაგოს და პოეტებიც დროის წინ დგანან. დრო სინჯავს ლექსებს და სვამს დიაგნოზს, წერს პოეზიის კარდიოგრამას.

აგერ სავარძლით, ჩინით, ტიტულით, შემოჰყავთ ლექსი ხელოვნურ გულით... არც აზრი, გრძნობა, სიტყვა ან სული, არის უბრალოდ ლექსის ფიტული. შემოდის მანჭვით, გრეხვით და ქლევით (ტაშიც დაუკრა თითო-ორიოლამ!) ეტყობა, ავტორს უდღეურ ლექსში გადაუნერგავს გული გორილას.

ჰა, კიდევ დადგა ვილაცის ჯერი, უმაღ ნითელი შუქიც აერთო და სიკვდილივით ყლერს განაჩენი: ამ ლექსს არა აქვს გული საერთოდ! შემოაქვთ ლექსი ჩინილაკივით, სახელგამტყდარი და შერცხვენილი, დამძიმებული ჯინჯილაკებით და გაბერილი ბოშას ცხენივით. თუმც ამხნევებენ, თავზე ადგანან, სიცოცხლის ხაზი მაინც მოკლდება.

ულმობელია კარდიოგრამა: „ლექსი ავტორთან ერთად მოკვდება!“ და ავტორის წინ ხოხავენ მუცლით, თან მომაკვდავ ლექსს გარს ეხვევიან, არის ჩოჩქოლი და ფაცვიფცი: „ჩქარა დონორი, კარგი პრემია!“ აგერ სხვა ლექსიც, რიგს უცდის განა? — მოდის შუბლით და სიტყვით უშვერიო, მაგრამ მკაცრია კარდიოგრამა:

„ამ ლექსს პრემიაც ვეღარ უშეღის!“ უცებ შედგება დროის წინ დინჯად — ლექსი — მგლის მუხლით და ხარის ქედით, დროც გულმოდგინედ უმზერს და სინჯავს გულს დასივებულს სამშობლოს ბედით. აგერ, ჰა, ლექსიც გადაკარგული — დიდხანს დილეგში გამოკეტილი, ნანამები და ჯვარზე გაკრული

და კვლავ აღმდგარი ქრისტე ღმერთივით, ხნულში ნადგომი, სანგარს ნანოლი, — ქვეყნის ჭირი და ლხინი რომ იცის, სამშობლოსათვის ნაშრომ-ნაბრძოლი, ლექსი თავმდაბლად დგება დროის წინ. მთებით, მინდვრებით, ზვავით, ნისლეებით, თბილისს მოადგა „ლექსი ბებერი“;

მოდის ამაყად, მოდის ღირსებით ლექსი — ქართული ენის ცერბერი. რუსთველის ძეგლთან შეჰკრა ირაო, არც მონა უნდა და არც ბატონი! გაუშვი, თავის გზაზე იაროს, ისევ ხალხია მისი პატრონი!.. ყველა სიტყვა და საქმე ფუჭია, თუ კი ხალხსა და მამულს არ რჩება! დროს პოეტების მაჯა უჭირავს და აყურადებს მათ გულისცემას!

დრომ ყველას თავისი უნდა მიაგოს: აქ ვინ დარჩეს ან აქ ვინ არ დარჩეს! დიას, დრო უსვამს ლექსებს დიაგნოზს, დრო და ხალხი წერს ყველა განაჩენს!

ჩემი აზრით, პიჯაკს ორივე მხარეს შიდა ჯიბე არ სჭირდება. სხვათა შორის, შიდა ჯიბეს გულისჯიბესაც ეტყვიან, იმიტომ რომ გულის მხარესაა. მარჯვენა მხარეს რომ არ პიჯონოდა ჩემს ფინურ პიჯაკს შიდა ჯიბე, მაშინ მისი პირველი პატრონი (მეცოდება ის საწყალი!) ამ ჩანაწერებს ვეღარ ჩაიდებდა შიგ და, მაშასადამე, ვეღარც ჩემს ხელთ მოხვდებოდა. ხსენებული პიჯაკი ნავთლულის ბაზრის ტერიტორიაზე მდებარე სპეციალურ მაღაზიაში შევიძინე საქაოლ ადამიანურ ფასად. გამოირკვა, რომ ეს მაღაზია ვაჭრობს მხოლოდ და მხოლოდ იმ ნივთებით, რითაც ლომბარდი ამარაგებს. ლომბარდის ადათ-წესები კი, მოგეხსენებთ, საქაოლ მარტივია: დაავიარავეთ ასმანეთიან ნივთს, მოგცემენ სამოცდაათს, მაგრამ თუკი თავის დროზე არ გამოისყიდო, ოთხმოც მანეთად გაიყიდიან. წინამდებარე ჩანაწერების ავტორსაც რალაც ამდაგვარი დამართნია, ოღონდ ცოტა უარესიც, რადგან ჩანაწერებზეც პიჯაკის ჯიბეში ჩარჩენია.

ვინ იცის, როგორ ეძებს ის უცნობი ურნალისტი თავის ჩანაწერებს ვუცხადებ კოლეგიალობას და, შეძლებისდაგვარად, გამოვაქვეყნებ ხოლმე მის დღიურებს. ისე კი, ნამდვილად არაფრის მაქნისია პიჯაკის ორივე მხარეს შიდა ჯიბე!

1979 წ. 17 იანვ. ოთხშაბათი

„დილით მე უღლემ შაქრის ფხვნილზე გამგზავნა პურის მაღაზიაში. ისე, კაცმა რომ თქვას, რა უნდა პურის მაღაზიაში შაქრის ფხვნილს? მოსკოვშიც ასეა ნეგავ? შეიძლება იქაცაა, მარა (სტკილი და ცუღლია. რედ.) რასაც ახლა გეგყვით, ის ნამდვილად არ იქნება იქ: რაგომ, არ არის შაქრის ფხვნილი პარკში ისე შეფუთული, რომ არ ცვიოდეს?! არ იცით, ხომ? ამას განგებ სჩადიან! აწონე, მაგალითად, ნახევარკილოიანი პარკი კონგრულზე და ისარმა 488 გრ. გიჩვენა, რავა, უბაგონოდ ხმას გასცემ თუ? იპნევა, ბაგონო, და რა ვქნათო, მოგიგებენ. ასეა ვითომ? ასეა?“

1979 წლის 17 მაისი, ხუთშ. ცხელა თბილისში.


„უხეზად ოთხი თვეა, კალამი ხელში არ მჭერია. ავად ვიყავი. სამაგიეროდ, აწი უნდა ვიაქტიურო. მაგრამ ეს რა დამიწერია 17 იანვარს?! ყინავდა, ალბათ, უსამველოდ. პურის მაღაზიაში შაქრის ფხვნილს რა უნდოდა-მეთქი! არა, რომ მომიგრიალდეს, შენ ხარ ჩემი ბაგონი, ვინმე და მომხალხოს: თუკი თვეზის მაღაზიაში „პონიკები“, ხაჭაპურები და ნაირ-ნაირი ნამცხვრები (მათ შორის, კრემიანი!) იყიდება და იქვე იჭმება, შაქარსა და პურს ერთად რა უჭირსო?!“

იქნებ, ვინმე დაინგერესდეს, სადაა ეგ თვეზის მაღაზია, მისამართიც იმასქენითო. კი, ბაგონო, თბილისშია, პუშკინის ქუჩაზე, ძველი „ბავშვთა სამ-ლაროს“ მწკრივში, სურსათის მაღაზიის გვერდით. დიას, მეც მივირთმევე ერთხელ იმ მაღაზიაში სიროფიან წყალს ხაჭაპურით და შეცრად რა მესმის: ვილაც ჩაუბუკუნებულ-ჩაჯინსებული ლამაზმანი თან გემოიანად სმუსნის კრემიან ნამცხვარს და თან პრეგენზიას აცხადებს, თვეზის სუნი ასდისო. მე კი მგონია, ამ საქმეს ცოტა ნავთის სუნიც ასდისო...“

ნიანგისაგან: ჯერჯერობით ორი ჩანაწერი გამოვაქვეყნეთ, მაგრამ ერთი რამ ამთავითვე შეიძლება ითქვას — უცნობი ურნალისტი ჩვენი ყოფაცხოვრების ბევრ საჭოჭმანო საკითხს ეხება და წარმატებითაც.

P. S. თუ ავტორი გამოცხადდება რედაქციაში და დაამტკიცებს, რომ ეს ჩანაწერები ნამდვილად მას ეკუთვნის, გამოეწერება ჰონორარი საერთო ფულით.

ნან. პ. ვირცხალაშანი



— რამდენია ჩვენი? — ჩვეთთან ქულაე ოცდაათი მანეთია, კიპოჯანი!



კონტროლი  
საგარეო  
კავშირების

300  
52 80

ამერიკის შეერთებული შტატების ხელმძღვანელებმა ისიც იციან, რომ ავღანეთის მთავრობა სრული პატივისცემით ეკიდება მოსახლეობის რელიგიურ სარწმუნოებებს, გაათავისუფლა ამინის მიერ საპყრობილეში შეყრილი მღვდელთმსახურნი და ოფიციალურად გამოაცხადა, რომ ისლამს კანონი იცავს. მართლაც რომ, უხეიროდ გამოიყურება ისრაელი აგრესორის მფარველთა და ირანის წინააღმდეგ მიმართული რეპრესიების ორგანიზატორთა ცდები — „ისლამის ქომაგებად“ გაასაღონ თავი.

გაჯიუთებიან



ვაშინგტონელი ალიბაბა და ას ოროცი ათასი ყარაღი

როცა რჩეულნი ერთობიან...

ამერიკელი მწერალი რ. მური წლობით აგროვებდა მასალებს ვაშინგტონის პოლიტიკის შემოქმედთა შესახებ და ასეთ დასკვნამდე მივიდა: ამერიკის შეერთებული შტატების კონგრესის თაღებქვეშ ჰყავის მექრთამეობა, გარყვნილება და ლოთობა!.. წარმომადგენელთა პალატის ყოფილი სპიკერი კარლ ალბერტი, გვამცნობს რ. მური, დღენიადაგ თვრებოდა გრძობის დაკარგვამდე. გადასახადების გადამხდელთა ფულით მას დაქირავებული ჰყავდა მდივანი გოგონების მთელი შტატი, რომელთა ძირითადი მოვალეობა არაფრით არ შეესაბამებოდა მათს სამსახურებრივ ფუნქციებს. ასე იქცევა, ამტკიცებს რ. მური, „ხალხის რჩეულთა“ სულ ცოტა ერთი მეოთხედი.

„საშუალო ამერიკელ ინტელექტუალთა“ კომუნისტური პროპაგანდა მას მოხვედრას არ აძლევს, როცა ამტკიცებს, თითქოს საბჭოთა კავშირში კი არა, შეერთებულ შტატებში ირდევია ადამიანის უფლებები, იზღუდება თავისუფლება, ადგილი აქვს სეგრეგაციასა და პოლიტიკურ მკვლელობებს! აბა, ვინ დაიჭერებს ამას? ვინ არ იცის, რომ ამერიკული დემოკრატია თავისუფლებისა და თანასწორობის ეტალონია?

მაგრამ ნუ იტყვიოთ, კომუნისტები არ ცხრებიან. ერთმა მათგანმა განაცხადა, შეერთებულ შტატებში ათასობით პოლიტიკური პატიმარიო. სხვები მიუთითებენ (რანაირ ჯორს არ მოიგონებს კაცი!), რომ ამერიკაში დაპატიმრებული იყვნენ „უილმინგტონის ათეული“, „შარლოტის სამეული“, ვილაც ასატა შაკური, ჯონ ჰარისი, ჯონ მერიტი და მრავალი სხვა. კომუნისტ პროპაგანდისტებს თითქოს არ ესმით, რომ აღნიშნული პირნი დაპატიმრებული კი არა, სანატორიუმებში იყვნენ გაზავნილი, რათა დაემშვიდებინათ ნერვები, ემკურნალათ და ჯანმრთელი დაბრუნებულიყვნენ შინ, მაგრამ ვინ გიჭერებს?!

კომუნისტებმა ისიც მოახერხეს, რომ შექმნეს ე. წ. იურისტთა საერთაშორისო ჯგუფი, რომელიც ასეთ დასკვნამდე მივიდა: „არსებობს საკმაოდ სერიოზული მტკიცება იმისა, რომ ამჟამად შეერთებულ შტატებში სისტემატურად ირდევია ადამიანის უფლებები და ეროვნულ უმცირესობათა იურიდიული უფლებანი, მათ შორის ადგილი აქვს რასობრივი დისკრიმინაციისა და სეგრეგაციის პოლიტიკას“.

ყოველივე ამის შემდეგ განა უნდა გიკვირდეს „საშუალო ამერიკელის“ აღშფოთება, მისი მისწრაფება — რაც შეიძლება მალე და ოპერატიულად მოხადოს ნიდაბი „კომუნისტ პროპაგანდისტებსა“ და „მოსკოვის აგენტებს“?

ამიტომ, დღეს ჩვენ გადავწყვიტეთ, დავებმართო საბრალო ამერიკელებს (რომელთა ინტერესებს, ცხადია, სამხედრო-სამრეწველო კომპლექსი უკეთ გამოხატავს, ვიდრე თვით ისინი) და დავასახელოთ „მოსკოვის აგენტურის“ წარმომადგენლები, რომელნიც ცილს სწამებენ „თავისუფლების ბასტიონს“ — ამერიკის შეერთებულ შტატებს. ესენი არიან: შეერთებული შტატების ყოფილი წარმომადგენელი გაერთიანებული ერების ორგანიზაციაში ენდრიუ იანგი, ინდოეთის უმაღლესი სასამართლოს წევრი ჰარიზ ჩანდრა, შვეციის იურისტ-დემოკრატთა ასოციაციის წევრი პერ ეკლუნდი, ნიგერიის უმაღლესი სასამართლოს ადვოკატი იფვანი იფებიგი და სხვანი.

როდესაც ეს „კომუნისტური მეზუთე კოლონა“ განადგურდება, „ქორები“ მოიხვენებენ პენტაგონში, ხოლო ედგარ ჰუფერი და ჯონ მაკარტი — საფლავში!

აბა, მეტი რა უნდა „საშუალო ამერიკელს“?!

ედუარდ მენაბდე

მთავარი რედაქტორი ჯაურ ბოლქვაძე

საგარეო კოლუმნა: ზ. კასიაშვილი, ჯ. ლომუა,

ბ. ლომიძე, ნ. მაღალაშვილი (მხატვ. რედ.), ბ. ნოზინიანიძე, ბ. სინარულიძე (პ/მგ. მდივანი), ბ. შირსხალავა, ო. ზელიძე  
● ბაქთრაძის რედაქტორი მ. კახალაშვილი, ● სტამბისა და იუმორის უკანალი „ნიანგი“ ● თბილისი, რუსთაველის პროსპექტი № 42, საქართველოს კ. ც. კ-ის გამომცემლობა. გადაეცემა ასაწყობად 6/111-80 წ. ხელმოწერილი დასაბეჭდად 19/IV-80 წ. ქაღალდის ზომა 70x1081/2 ფიზიკური ნაბეჭდი ფურცელი 2. საადრეცხვო-საგამომცემლო თაბახი 1.7 ● საქართველოს კ. ც. კ-ის გამომცემლობის სტამბა, თბილისი, ლენინის ქ. 14. ● შეკვ. 705 უფ. 08461 ტირ. 160,400 ● თბილისი, რუსთაველის პროსპექტი № 42. სატირიკო-იუმორისტული ჟურნალი „ნიანგი“. ● Издательство ЦК КП Грузии. ● Типография Издательства ЦК КП Грузии. Тбилиси, ул. Ленина № 14.  
ტელეფონები: 99-76-69, 93-19-42, 93-10-78, 93-49-32. რედაქციაში შემოსული მასალები ავტორებს არ უბრუნდება.

ნახატი თემების ავტორები: მ. ახაშიძე, ა. ადგიშვილი, დ. ასპურაძე, მ. დეილაძე, ბ. ლომიძე, შ. სინარულიძე.